



Նոր

ՃՐԱԳ



Բ.Տարի : Թիւ 4

Եռամսեայ թերթիկ
Հոկտեմբեր 2016

Հրատարակութեամբ
Հ.Մ.Ը.Մ. Ալմելո Մեկուսի շրջանի վարչութիւն



«Մարզիկ», Թէ՞... Մարտիկ

ԳՐԻԳՈՐԻՍ ՊՈՂԱՐԵԱՆ

«Մարզիկ»-ի 400-րդ թիւն է այս: 400-ը սովորական ու թերեւս ալ աննշան թիւ մը կարելի է նկատել տպագիր մամուլի որեւէ

ներկայացուցիչի համար, եթէ ան օրաթերթ կամ շաբաթաթերթ է եւ կամ, այլապէս, լոյս կը տեսնէ զուտ շահադիտական մօտեցումով: Նման նկատառումներ սակայն ո՛չ մէկ աղերս ունին «Մարզիկ»-ին հետ, որ 34-ամեայ իր երթը կը պարտի հաւատաւորներու հոյլի մը անշահախնդիր եւ ամբողջական նուիրումին:



Հակառակ իր

անուանումին՝ «Մարզիկ»-ը պարզապէս մարզական թերթ մը չէ եւ չէր կրնար ըլլալ: «Մարզիկ»-ը չէր եւ իրողապէս պէտք չէ ըլլար պարզ հրատարակութիւն մը, այլապէս ան պիտի կորսնցներ իր գոյութեան նպատակն ու կոչումը:

«Մարզիկ»-ը ի սկզբանէ կոչուած էր ըլլալու մարտիկ մը: Մարտիկ, որ անցնող 34 տարիներուն մէկէ աւելի ճակատներու վրայ պայքար մղելու հարկադրանքին դէմ յանդիման պիտի գտներ ինքզինք:

«Մարզիկ»-ի դիմագրաւած մարտահրաւերներէն «փոքրագոյնը» կապուած է նիւթական պարտաւորութիւններուն հետ եւ առնչուած է տակաւ աճող թերթին տպագրական եւ առաքման ծախսերուն:

ՀԱՄԵՆ
ՄԱՐԶԻԿ
ՄԱՐԶԻԿ
ՄԱՐԶԻԿ


Թէեւ մարտահրաւերը այնքան ալ դիւրին յաղթահարելի չէ, մանաւանդ՝ միջինարեւելեան երկիրներու երկարամեայ դժնդակ պայմաններու եւ համաշխարհային տնտեսական վատթար կացութեան պատճառով, սակայն «Մարզիկ»-ի առաքելութեան հաւատացող ՀՍՀՄ-ականներու ճիգերով ցարդ կարելի եղած է շարունակել թերթին տպագրական աշխատանքը՝ ի գին մեծ գոհողութիւններու:

«Մարզիկ»-ը պէտք էր պայքարէր նաեւ այժմեականութեան դէմ, գէթ՝ բառին նեղ սահմանումին դէմ: Ճիշդ է, որ «Մարզիկ»-ի հաղորդած լուրերը, մերօրեայ հաղորդակցութեան միջոցներու ներկայութեան, կրնան յաճախ ուշացած նկատուիլ, բայց այդ չէ կարելորը եւ ազգային ակնոցով այժմեականութեան չափանիշը:

Արդարեւ, տպագրական իր որակով «Մարզիկ» չի զիջիր ոչ հայալեզու իր նմանակներուն, որովհետեւ խորքային իմաստով ան նմանակ չունի: «Մարզիկ» միշտ այժմեական է, նոյնիսկ երբ տպուած լուրը կամ յօդուածը նոր չէ, որովհետեւ «Մարզիկ»-ի պարագային չափանիշը ժամանակը չէ, այլ՝ ազգապահպանումի եւ հայակերտումի ի նպաստ անոր ի գործ դրած ճիգը: Խնամքով պատրաստուած եւ լեզուական թերութիւններէ կարելի եղած չափով գերծանոր գրութիւնները կը նպատակադրեն ընթերցողին հաղորդել ազգաշունչ եւ օգտակար նիւթեր՝ թիրախ ընտրելով տարիքային տարբեր խմբաւորումներ եւ գոհացում տալով ընթերցասէրներու որոշ նախընտրութիւններու:

«Մարզիկ»-ի դիմագրաւած մարտահրաւերներէն երրորդը առնչուած է ընթերցող ապահովելու ճիգին: Այսօր ընդունուած իրողութիւն է, որ համաշխարհային չափանիշով, որեւէ լեզուով եւ բովանդակութեամբ լոյս տեսնող տպագիր գործերու ընթերցողներուն թիւը տակաւ կը նօսրանայ, յատկապէս՝ համակարգչային թէ ընկերային հաղորդակցութեան միջոցներու անգուպելի գրոհին դիմաց: Այս մարտահրաւերը ցարդ յիշուածներէն ամէնէն դժուար յաղթահարելին է, որովհետեւ կ'ենթադրէ համազգային ճիգ՝ լեզուական պատնէշները շրջանցելու եւ համաշխարհային հոսանքները դիմակալելու համար: Եկեղեցիներէ, դպրոցներէ եւ մանաւանդ տուններէ ներս ըստ կարելոյն եւ առաւելագոյն չափով հայերէնի գործածութեան շեշտաւորումը անհրաժեշտ է: Աւելի դժուարը մատղաշ սերունդներու մօտ տպագիր կարդալու վարժութեան վերաշխուժացումն է: Բան մը, որ ներկայ սովորութիւններէն գէթ մասնակի ետդարձ կ'ենթադրէ: Ետդարձ, որ կարելի է իրականացնել գիտակից ծնողներու եւ ազգանուէր դաստիարակներու անվերապահ ճիգերով, այլապէս «Մարզիկ»-ն ու հայատառ տպագիր բոլոր հրատարակութիւնները յամբօրէն պիտի ընթանան ընթերցողներու կորստեան ճամբով:

Եթէ կը հաւատանք «Մարզիկ»-ի առաքելութեան եւ դերակատարութեան, ի մասնաւորի՝ ՀՍՀՄ-ի վերելքին եւ, առհասարակ, հայ մամուլի անդաստանին մէջ, ժամանակն է, որ հաւաքաբար նեցուկ կանգնինք «Մարզիկ»-ին, որ նուազագոյն գնահատանքով եւ իրողապէս դարձած է եռակի «Մարտիկ»:



Շարունակութիւն

***Պատգամաւորական 11րդ Ընդհանուր Ժողովին որդեգրուած
կանոնագրային բարեփոխումներ***

- Յօդ. Մեկուսի Շրջանի Վարչութիւնը կ'ունենայ իր կնիքը, մակագիր թուղթն ու պահարանը:
- Յօդ. Մեկուսի Շրջանի Վարչութեան անդամ մը պատժելի արարքի մը համար, վարչութեան մնացեալ կազմի երկու երրորդին որոշումով կը մեկուսացուի եւ իր թղթածրարը անմիջապէս կը փոխանցուի Կեդրոնական Վարչութեան՝ առ ի տնօրինում:
- Յօդ. Շրջանային եւ Մեկուսի Վարչութիւնները կրնան մարզական եւ սկաուտական միջ-շրջանային հանդիպումներ կազմակերպել Կեդրոնական Վարչութեան՝ հաւանութեամբ:
- Յօդ. Շրջանային եւ Մեկուսի Շրջանի վարչութիւնները պարտաւոր են Կեդրոնական Վարչութեան վճարել Պատգամաւորական ընդհանուր ժողովին կողմէ որոշուած ցենցը, ամէն տարի կանոնաւորաբար:
- ⇒ *Շրջան գլուխին տակ էջ 15 աւելցնել նոր յօդուած.-*
- Յօդ.Մեկուսի Շրջանը կը ղեկավարուի Մեկուսի Շրջանի Վարչութեամբ. ընտրուած Մեկուսի Շրջանի Անդամական Ժողովէն եւ վաւերացուած Կեդրոնական Վարչութեան կողմէ:
- ⇒ *Մեկուսի Շրջանի Անդամական Ժողով.*
- Յօդ. Մեկուսի Շրջանի Անդամական Ժողովը Մեկուսի Շրջանի մը գերագոյն ժողովն է, որ կը գումարուի մէկ կամ երկու տարին անգամ մը:
- Ծանօթ 1. Մեկուսի Շրջանները, ժողովի թուականէն նուազագոյնը մէկ ամիս առաջ, պարտին նամակով տեղեակ պահել Կեդրոնական Վարչութիւնը, նամակին կցելով ժողովին կապուած օրահարցերը:
- Ծանօթ 2. Մեկուսի շրջանը կը գումարէ յատուկ Անդամական Ժողով այն պարագային երբ Կեդրոնական Վարչութենէն կը ստանայ Պատգամաւորական Ժողովի օրակարգը:
- Յօդ. Մեկուսի Անդամական Ժողովը (Վարչութեան գործունէութեան քննարկում եւ ընտրութիւն) կը գումարուի երկու տարին մէկ անգամ: Անհրաժեշտ առիթներով կարելի է Անդամական Ժողովներ գումարել:
- Յօդ. Մեկուսի Անդամական Ժողովներուն իրաւասու ձայնով կրնան մասնակցիլ Միութեան մէջ առնուազն 6 ամիս անդամակցութիւն ունեցող տասնութ տարիքը բոլորած եւ նիւթական պարտաւորութիւնները կատարած անխտիր բոլոր անդամները, ինչպէս նաեւ Կեդրոնական Վարչութեան ներկայացուցիչը եւ Վարչութեան ներկայացուցիչը

Յարգելի ընթերցողներ / Շարունակութիւնն յաջորդ թիւ ին մէջ:



«ՈՎ ՀԱՅ ԺՈՂՈՎՈՒՐ՝ ՔՈՄԱՆԿ ՓՐԿՈՒԹՅՈՒՆԸ ՔՈ ՀԱՎԱՔԱԿԱՆ ՈՒԺԻ ՄԵՋ Է» Ե. ՉԱՐԵՆՑ

ՀՀ ՍՓՅՈՒՌԻ ՆԱԽԱՐԱՐՈՒԹՅԱՆ ՊԱՐԲԵՐԱԿԱՆ

«ՅՈՒՐԱՔԱՆՉՅՈՒՐ ՀԱՅ ԱՌԵՎԱԶՆ 2 ԴՈՒՍԱՐ «ՆՈՐ ՀԱԼԵՊ»-ԻՆ»

ՆՈՐԱԹՅՈՒՆՆԵՐ »	ՀՈԴԱՄՆԵՐ	ՀԱՐՑԱԶՈՐՈՒՑՆԵՐ	ԱՆՀԱՏՆԵՐ »	ՀԱՅԿԱԿԱՆ ՍՓՅՈՒՐ »	ՏՈՒՍՑՈՒՑՑ »	ԱՅԼ »
----------------	----------	----------------	------------	-------------------	-------------	-------

11/08/2016 Այլագան

Կ'աշխատինք «Բարձրացի՛ր, Բարձրացո՛ւր» Աներեր Նշանաբանով

Հ.Մ.Ը.Մ.ի Ալմելոյի մասնաճիւղի խմբապետուհի Անիթա որկիսեանն ու փոխ խմբապետուհի Փաթիլ Տատուրեան (Հայերն Այսօր) ի հետ զրոյցին խօսեցան ոչ միայն սկաուտական գործունէութեան, այլ Ալմելոյի հայ երիտասարդներուն հայաստանակեդրոն պահելու եւ համայնքային այլ հարցերու շուրջ:

Անոնք Հայաստան եկած էին մասնակցելու Յուլիս 27-31 կայացած Հ.Մ.Ը.Մ. Խմբապետական 7-րդ համագումարին :



Անիթա կորկիսեան-Հ.Մ.Ը.Մ.ի Ալմելոյի մասնաճիւղի խմբապետուհի.

- Հայաստան ելած էի մասնակցելու ՀՄԸՄ խմբապետական 7-րդ համագումարին: Ալմելոյի ՀՄԸՄ-ը ունի սկաուտներ եւ մարզական խումբեր: Ես հիմնականին մէջ սկաուտական աշխատանքները կազմակերպելու գործերով զբաղած եմ: Ամիսը չորս անգամ կիրակի օրերուն կը հաւաքուինք ու քննարկումներ կը ծաւալենք: Մեր սկաուտներուն թիւը այսօր 100-ի կը հասնի: Սկաուտ կրնան ըլլալ 4-18 տարեկան մարդիկ:

-Մեր ռազմավարութիւնը օգնած է սփիւռքահայ երիտասարդներուն, գիտելիքներ փոխանցելու, սկաուտական կեանքին մասին մանրակրկիտ տեղեկութիւններ տալու, ինչպէս նաեւ՝ հայկական մշակոյթին եւ պատմութեան հաղորդակից դարձնելու:

-Շատ կ'ուզենք մեր այցելութիւններով Հայաստանի հետ կապը աւելի ամրապնդել: Սկաուտները գալով Հայաստան՝ իրենց մտահոգութիւնը կը յայտնեն եւ կը ցանկան նպաստել իրենց Հայրենիքի զարգացման, նոյնիսկ հայրենադարձուելու մասին կը մտածեն:

-2018 թուականին կը լրանայ Հայ մարմնակրթական ընդհանուր միութեան ստեղծման 100-ամեակը. արդէն սկսած ենք նախապատրաստական աշխատանքներ իրականացնելու:

-Սփիւռքի մէջ հայ երիտասարդներու առաջին մարտահրաւերը խառնամուսնութեան խնդիրն է: Անոնց մէջ հայկական ոգի կայ, հայերէն կը խօսին, բայց դժուար է ետ պահել խառնամուսնութեան որոշումէն: Չնայած այդ ուղղութեամբ տարբեր հայապահպան աշխատանքներ կ'իրականացնենք՝ փորձելով անոնց զերծ պահել ուժացման վտանգէն:



Փաթիլ Տատուրեան, ՀՄԸՄ-ի Ալմելոյի մասնաճիւղի փոխխմբապետուհի

- Ալմելոյի մէջ հայ երիտասարդներուն Մայրենիի հանդէպ սէր արթնցնելը մեզի համար օրակարգային հարց է:

-Զմոռնանք, որ Ալմելոյի մէջ հայկական ամէնօրեայ դպրոցներ չկան. միայն կիրակնօրեայ դպրոցներ կը գործեն, ուր 100 հայ աշակերտ կ'այցելէ: Տարբեր տարիքի երեխաներու համար վեց դասարան բացուած է:

-Մայիսին Ապրիլեան քառօրեայ պատերազմին նուիրուած հնգօրեայ բանակում-ճամբար կազմակերպեցինք: Բանակումի մէկ օրը նուիրեցինք Արցախին, որուն ժամանակ դասախօսութիւն տեղի ունեցաւ Արցախի պատմական անցեալին մասին, անոնց ներկայացուցինք ատրպէյճանական զօրքերուն կողմէ սանձազերծած ռազմական գործողութիւններուն հետեւանքով Արցախի եւ Հայաստանի մէջ ստեղծուած իրավիճակը: Սկաուտական խումբերը ակնդէտ կը հետեւէին դասախօսութեան:

-Հիմա վստահաբար կրնամ ըսել, որ ազգային ինքնագիտակցութիւնը աւելի բարձրացաւ անոնց մէջ: Դասախօսութենէն յետոյ երեխաները յուզուած մօտեցան մեզի եւ խնդրեցին, որ 2018 թուականի բանակումին իրենց Արցախ տանինք:

-Սերտ համագործակցութեան մէջ ենք սփիւռքեան միւս սկաուտական խումբերուն հետ՝ իրար հետ աշխատելով «Բարձրացի՛ր, բարձրացո՛ւր» աներեր նշանաբանով: Բոլորս ալ կը գիտակցինք, որ եթէ իրար օգնութեան ձեռք չմեկնենք եւ չսատարենք, ապա ռեւէ յաջողութեան չենք հասնիր:

-Հայաստան կատարած այցելութեան ժամանակ հանդիպեցանք նաեւ ՀՀ սփիւռքի նախարար Հրանդ Յակոբեանին, որուն ընթացքին համայնքային խնդիրներուն, ազգապահպանութեան ու Հայաստանի հետ սերտ համագործակցութեան առնչուող հարցեր քննարկեցինք: Գօտեպնդուեցանք նախարարին հետ հանդիպումէն:

Գեորգ Զիչեան



ՇԱԽԱՐՇ ՔՐԻՍԵԱՆ

(Նահատակութեան 101 Ամեակ)

Մեր թուականէն 101 տարիներ առաջ 15 Օգոստոսի 1915ին նահատակուած է մարզիկ, հրապարակագիր, հանրային գործիչ, դաստիարակ եւ խմբագիր Շաւարշ Քրիստեան:

Շաւարշ Քրիստեան ծնած է 22 Յուլիս 1886ին, Պէշիկթաշի մէջ: Յաջորդաբար յաճախած է Մաքրուհեան, Պարտիզակի Ամերիկեան Բարձրագոյն, Պերպերեան, Պերպերեան եւ Ռոպըրթ հաստատութիւնները: 1906ին անցնելով Փարիզ յաճախած է մարմնամարզական վարժարան: Լոնտոնի մէջ եւս հետեւելով մարմնամարզի դասընթացներու վերադարձած է Պոլիս, զանազան դպրոցներու մէջ մարմնամարզի ուսուցչութեան պաշտօն վարելով: Դասերու կողքին կը կազմէ մարմնամարզական ակումբներու եւ զանազան խումբերու: 1911-էն սկսեալ կը սկսի հրատարակել «Մարմնամարզ»

պատկերազարդ ամսաթերթը, որու հրատարակումով կը ջանայ իր իտէալները սփռել նոր զարթօնք ապրող մեր ազգին մէջ, իր կողքին ունենալով Յովհաննէս Հինդլեանն ու Յակոբ Ճ. Սիրունին:


Շաւարշ Քրիստեանի «Մարմնամարզ» ամսագիրը առաջին տարին կը հրատարակուի 10 թիւ, սակայն երկրորդ տարին թերթը կը վերածուի կիսամեայ հանդէսի, սակայն տարի մը ետք՝ 1913ին աշխուժանալով լոյս կը տեսնէ 12 թիւով:

«Մարմնամարզ»ի խմբագրութեան նախաձեռնութեամբ եւ Պոլսոյ հայկական 21 ակումբներու կազմակերպութեամբ, Պոլսոյ մէջ կը կատարուի Հայկական ողիմպիական խաղերը: Առաջինը տեղի կ'ունենայ 1 Մայիս 1911ին: Երկրորդը՝ Մարիս 1912ին, իսկ երրորդը՝ Յունիս 1913ին: Գ. ողիմպիականին ամենէն աչքառու եւ հաճելի նորութիւնն էր հայ սկաուտներու ներկայութիւնը:



Շ. Քրիստեան 1911 Յուլիսին կ'առաջարկէ, որ Պոլսոյ մէջ կազմուի ֆութպոլի հայկական լիկ մը: 1911 Փետրուարին եթէ հազիւ երկու երեք ֆութպոլի խումբեր կային, Քրիստեանի ջանքերով բարձրացած է 18ի:

Սկաուտական շարժումը մեր մէջ տարածելու հեռանկարով «Մարմնամարզ»ի մէջ լոյս կ'ընծայէ ծրագիր-կանոնագիր մը՝ «Պոյ-սկաուտը եւ իր կեանքին նապատակը Հայ պոյ Մակուտներ» խորագրով, որ ապա գրքոյկի վերածած է: Այս ծրագիր-կանոնագիրին հիմամբ, 1913 Մարտին, Սկիւտարի մէջ կը կազմուի սկաուտական խումբ մը:

Շ. Քրիստեան նահատակուեցաւ, սակայն իր ցանած սերմերը, արգաւանդ հողի վրայ իյնալով, 1918ին ծնունդ տուին Հայ Մարմնակրթական Ընդհանուր Միութեան (Հ.Մ.Ը.Մ.ի):



ՇԱԽԱՐՇ ՔՐԻՍԵԱՆ
Հայ Մարմնակրթութեան Ռաշխիս



Հ.Տ.

ՄԱՐՄՆԱՄԱՐԶ

2016 թ.ին Ա.Մ.Ն.
Լուս Անճելլա քաղաքին մէջ
հրատարակուեցաւ (Շաւարշ
Քրիսեան ու ՄԱՐՄՆԱՄԱՐԶ
Մշտագոր Աւանդ, Անշէջ
Ջահ), Տոքթ. Շաւարշ
Քրիսեանի գիրքը: Տոքթ.ը
գրքի ներածական ին մէջ
կ'արդարացնէ
հրատարակելու կարեւոր
հանգամանքները . (Առաջին .
Շաւարշ Քրիսեանի եղբոր
թոռը ըլլալու ու նոյն անունը
կրելու: Երկրորդ . Բժիշկի ու
դասախօս ըլլալու
հանգամանքներով ուր
մարզանքը կարեւոր անկիւն
մը կը գրաւէ իր
մասնագիտութեան մէջ:
Երրորդ . Գերակշիռը երկար
տարիներ հայութեամբ ու Հայաստանով խանդավառ ու լաւատես
ըլլալէ ետք, այսօր անոնց ապագային նկատմամբ տածած լուրջ
մտահոգութիւնները) :

Շարունակելով (Կը կարծենք թէ այսօր աշխարհի տարածքին,
(ՄԱՐՄՆԱՄԱՐԶ) ի 1911 էն 1914թ.ի պրակներու հաւաքածուներէն
մնացած են առաւելագոյնը միայն մի քանի օրինակ, այն ալ
հարցական վիճակի մէջ: Հրատարականութեանս հիմնական
առաջադրանքը, վերակենսաւորել ն է Շաւարշ Քրիսեանի
անգուցական անձի, տեսլականի, իրագործումներու եւ անկրկնելի
ժառանգութեան ամբողջութիւնը: Մէկ կողքի տակ ի մի կը բերենք եւ
լուսարձակի տակ կ'առնենք աննման (ՄԱՐՄՆԱՄԱՐԶ»ի այդ չորս
տարիներու հաւաքածոյ ներէն նշանակալի այն էջերը ուրկէ յստակ
կ'արտացոլան Քրիսեանի ստանձնած բազմակողմանի դերերը՝
որպէս լծակները իր հիմնականօրէն յեղաշրջական նպատակի
հետապնդման):



Պասրայի Հայ Երկսեռ Երիտասարդաց Միութեան Հիմնադրութեան 85 Ամեակի առթիւ

Առաջին համաշխարհային պատերազմի պատճառով, հայ ժողովուրդը տեղահանուած կ'ըլեր իր պապերու օրրանը եւ ի սփիւռս աշխարհի հողմացրիւ կ'ըլլար: Ճակատագրի մէկ խաշով, Վասպուրականի ժողովուրդի բեկորներու մեծամասնութիւնը գաղթականի խեղճով շալակները վար կ'առնէր Իրաքի (Պակուպա) գիւղաքաղաքին կից խոպան հողաշերտի մը վրայ. Ուր կը մնար մինչեւ 1920 թ.:

1920 թ.ի ամրան, ժողովուրդը իր տեղէն կ'երերար եւ այս անգամ դէպի հարաւ Պասրա քաղաքին մօտ (Նահիր Էլ-Օմար)ը որպէս հանգրուան. Ուր կ'մնան մինչեւ 1929թ. ի վերջերը տեղափոխուելով եւ հաստատուեցան Իրաքի չորս կողմերը (Պաղտատ, Մուսուլ, Հաւրեզ, Պասրայ եւ իր այլ շրջանները). Քանի մը ընտանիքներ ալ կը փոխատեղուին Աբադան- Իրան: Այդ օրերուն հայրենակցական զգացումը կ'օրօրէր բոլորին ուր հայրենակցական փոքր դրօշներ պարգած 1923-1929 տարիներուն ասպարէզ կ'յայտնուի (Մոսկի Բարեսիրական , Վասպուրականի Երիտասարդաց, Թիմարի Հայրենակցական եւ այլ) հայրենակցական միութիւններ:

Շուտով սակայն երիտասարդութիւնը գիտակից տարրը կ'անդրադառնայ որ այդ միութիւններու գոյութիւնները կը վատնէ բոլորի ուժերը եւ կ'որոշուի Վասպուրականի մեծ զաւակ, հանգուցեալ Լեւոն Փաշա Շադոյանի ցուցմունքով, համախմբուիլ մէկ միութեան մէջ (Պասրայի Հայ Երկսեռ Երիտասարդաց Միութեան) անուան տակ. Որու օրինաւոր արտօնութիւնը կը ստացուի պետութենէն Ապրիլ 4, 1931 թ.ին:

Հիմնադրութեան գործին իր հեղինակաւոր ազդեցութիւնը կը յայտնաբերէ գաղութի հանրաժանօթ փաստաբան Բսքէնտէր Մանսուր ը:Միութեան առաջին անդամական ընդհանուր ժողովը , կ'գումարուի Հոկտեմբեր 15, 1935 թ.ին Մարգիլի Հայ Ազգային Վարժարանին մէջ: Յունուար 10, 1937թ.ին կ'գումարուի անդամական երկրորդ ընդհանուր ժողովը. Ուր կ'որոշուի միութեան կեդրոնատեղին Մարգիլ տեղափոխել . նոյն ժողովին վարչական կազմը գաղտնի քուէարկութեամբ կ'ընտրէ 5 անդամներ որ կ'կազմեն իր դիւանը: Միութիւնը իր կազմութեան առաջին տարիներէն սկսեալ , վարչութիւններու անմիջական ջանքերով զբաղած է ամենայն մտահոգութեամբ գաղութի նոր սերունդի ազգային կրթութեամբ, պայմաններու եւ միջոցներու յարմարութեան պարագային կազմած յանձնախումբեր կամ նշանակած վարիչներ, անոնցմով կազմակերպել գրական, գեղարուեստական, մարզական, թատերական եւայլ ձեռնարկներ ու դասախօսութիւններ եւ պահանջել հարկին գործի լծած զանազան առիթներով: Միութեան անդամագրուիլը սկիզբը եղած է դանդաղ 34 անդամ մինչեւ 1939թ.:

Համաշխարհային Երկրորդ պատերազմի առաջին տարիներուն ժրաջան աշխատանք չունենար միութիւնը. սակայն ամենակենսական գործը երկսեռ պատանիներու համախմբումը եւ ազգային դաստիարակութիւնը կը տարուի լրիւ կերպով:

Փետրուար 24, 1944 թ.ին վարչութեան առաջին նիստը նորակառոյց շէնքին մէջ (Պասրայի Մարգիլ նաւահանգիստի տնօրէնութենէն վարձուած հողամասի մը վրայ) կ'գումարուի, 1 Յունիս 1944 թ.ին սրահի դռները կը բացուին անդամուհիներու համար. նման թուականին անդամներուն թիւը աւելնալով 92 էին:

Օգոստոս 1954 թ.ին միութիւնը լուծուած համարուեցաւ Ներքին գործոց նախարարութեան ընդհանուր հրամանագրով. (Երկրի բոլոր ընկերային հաստատութիւններուն հետ): Նոյն տարուայ Նոյեմբերին Ներքին գործոց նախարարութիւնը արտօնեց միութեան վերակազմումը ըստ մշակուած նոր ծրագրի – կանոնագրի:



Յուլիս 9, 1962 թ.ին նաւահանգիստի տնօրէնութիւնը պաշտօնագրով ակումբին կը յատկացնէր իր պարտէզով 2847,58 քառակուսի մետր: 1966 թ.ին քանի մը մարզական խաղավայրեր կը շինուին շէնքին մօտ:

1971 թ.ին միութեան հիմնադրման 40 ամեակը տօնուեցաւ մեծ շուքով որուն հրաւիրուեցան ու գնահատուեցին արդէն ալեւեր եղած ողջ հիմնադիրները: 2001 թ. միութեան հիմնադրութեան 70 ամեակի տօնակատարութեան, օրուայ վարչութիւնը ձեռնարկեց պատշաճ հանդիսութիւն որուն ներկայ եղան Իրաքահայ թեմի առաջնորդ Տէր Աւագ Արք. Ասատուրեան եւ ազգային իշխանութեան ներկայացուցիչներ. յիշեալ արժանավայել ձեռնարկին ընթերցուեցաւ Ամենայն Հայոց Կաթողիկոսի Սրբատառ Կոնդակը :





Պասրայի Հայ Երկսեռ Երիտասարդաց Միութիւնը տարիներ շարունակ մասնակցած է Հ.Մ.Ը.Մ. Պաղտատ-ի կազմակերպած տարեկան մարզահանդէսներուն: Պասրահայ գաղութը այսօր թէեւ նօսրացած բայց կ' պահէ իր միութիւնը նեցուկ մնալով հիմնադիրներու եւ վախճանած անդամներու ծրագրուած ու գաղութի համար իրականացած ծրագիրներու գործադրման շարունակութեան:

Թօնի Արշակեան

ԿԱՄԱՒՈՐ


Սեպտեմբեր 5, 2016թ.ի Հ.Մ.Ը.Մ. Կեդրոնական վարչութեան նամակով ստացանք Հարաւային Ամերիկայի Շրջանային Սկաուտական (ԿԱՄԱՒՈՐ) թիւ 1-2016

Պաշտօնաթերթը:

Ինչու ԿԱՄԱՒՈՐ (Խմբագրական կազմը կ' գրէ) Այս պաշտօնաթերթը լոյս կ' տեսնէ Մասնաճիւղերու Խմբապետներու Ընդհանուր Ժողովի առնուած որոշումով, փետրուար 2016-ին, Հարաւային Ամերիկայի Շրջանի սկաուտներէն ձայնը ստացածը կազմակերպելով: Այսինքն, կ' ակնկալուի շրջանային եւ տարբեր մասնաճիւղային սկաուտական զիջաւոր գործունէութիւնները հաղորդակցիլ:

Պաշտօնաթերթին մէջ կարող պիտի ըլլար ընթերցողին մօտիկէն ծանօթանալ հարաւային Ամերիկայի Հ.Մ.Ը.Մ. ական քոյր միութիւններու աշխատանքներուն. եւս պատնօնաթերթը կ' հրատարակուի երկու (Հայերէն եւ Սփաներէն) տարբերակներով :

Ճրագի խմբագրական կազմը կ' մաղթէ Կամաւոր պաշտօնաթերթի խմբագրական կազմին, Ընդհանուր Հ.Մ.Ը.Մ. ական գաղափարախօսութեան տարածման առաքելութեան կապակցութեան աշխատանքներու առաջընթաց յաջողութիւններ:





ՀԱՅ ՄԱՐՄԱՆԱԿՐԹԱԿԱՆ ԸՆԴՀԱՆՈՒՐ ՄԻՈՒԹՅՈՒՆ
ALGEMEEN ARMEENSE SPORT VERENIGING - HOMENETMEN

Ալմելո
26 Սեպտեմբեր 2016

Յարգելի Քոյրեր , Եղբայրներ եւ Հայրենակիցներ,
Հաղորդագրութիւն

Հ.Մ.Ը.Մ. Ալմելո մեկուսի շրջանը, ընդհանրապէս սփիւռքի չորս տարածքներուն եւ յատկապէս Հոլանտայի Ալմելո քաղաքին մէջ հայապահպանման գործին օջախներէն մէկը ըլլալու պատճառով, ուրբաթ 26 Օգոստոս 2016 թ.ին միութեանս (Facebook) ի էջը յարձակումի (HACKER) ենթարկուեցաւ, հայապահպանման եւ Հ.Մ.Ը.Մ. ի (Բարձրացիր – բարձրացուր) գաղափարախօսութեան դէմ գործին անհատ-ներու կողմէ, ուր կարողացան փակել էջը:

Ուստի 26 Սեպտեմբեր 2016 թ. ին միութեանս երիտասարդական ջանքերով կարողացան վերադարձնել էջը (Ժամանակաւոր. Batil Boziryazan (Homenetmen Almelo) անունն տակ) եւ վերաշարունակել միութեանս յարաբերական կապերը իր հետեւորդներուն հետ :

Հետագային (վստահանալէ ետք) ձեզ պիտի փոխանցենք վերոյիշեալ խնդրի պատճառող (անհատ - ներու) անուն-ները, Խուսափելու համար նման միջադէպերէն:

Եղբայրական բարեւներով՝
Հ.Մ.Ը.Մ. Ալմելո մեկուսի շրջան.



Հանդիպում Հ.Հ.Սփիւռքի նախարար Հրանուշ Յակոբեանին հետ

Համա-Հ.Մ.Ը.Մ. ական խմբապետական 7-րդ համագումարի կապակցութեամբ Հայաստան ժամանած , Հ.Մ.Ը.Մ. Ալմելո մեկուսի շրջանի քոյր Անիթա Կորկիսեան (Սկաուտական խմբապետուհի) եւ քոյր Փաթիլ Տատուրեան (Սկաուտական փոխ-խմբապետուհի եւ Ալմելո ի Ս.Գրիգոր Լուսաւորիչ եկեղեցւոյ Ս.Մեսրոպ Մաշտոց Կիրակնօրեայ դպրոցի ուսուցչուհի) , 21 Յուլիս 2016թ. Երեւան քաղաքին մէջ այցելեցին Հ.Հ.Սփիւռքի նախարարութիւն, ուր հանդիպեցան Հ.Հ.Սփիւռքի Նախարար Հրանուշ Յակոբեանին հետ:



Նախարարը ողջոյնելով քոյրերուն բարձր գնահատեց միութեանս եւ Կիրակնօրեայ դպրոցի (ընդհանրապէս Հոլանտայի եւ մասնաւորապէս Ալմելո քաղաքին մէջ) հայապահպանման եւ ինքնութեան հետեւողական աշխատանքները: Նախարարին հետաքրքրական հարցերէն էր Հ.Մ.Ը.Մ. Ալմելոի եւ կիրակնօրեայ դպրոցի այսօրուայ իրավիճակը, տարած ներկայ աշխատանքները , սփիւռք-Հայաստան փոխադարձ ծրագիրներու իրականացման աշխատանքները եւ ապագայի ծրագիրները :

Հանդիպման աւարտին Նախարարը փոխանցեց(սփիւռքի մէջ հայ լեզուի եւ հայապահպանման կապակցութեամբ եռանդի աշխատանքի) իր պատգամը . մաղթելով առաջընթաց յաջողութիւններ: Ուր ետք քոյրերը փոխանցեցին նախարարին միութեանս եւ կիրակնօրեայ դպրոցի կողմէ պատրաստուած յուշանուէրները:

Օրուայ հանդիպումին ներկայ էր նաեւ Հ.Հ.Սփիւռքի նախարարութեան պաշտօնական Է- Թերթին Հայերն Այսօր ներկայացուցիչը . ուր նախարարին հանդիպումէն ետք քոյրերուն հետ հարցազրուցեց հայերն այսօր գրասենեակին մէջ :

Նախարարութեան ջերմ ընդունելութիւնը քոյրերուն այդ օրը աւարուեցաւ Երեւան քաղաքի մէջ տեղի ունեցած Իմ Հայաստան համահայկական 2016թ. փառատօնի հրաւերքով:





ՆՈՐԱԹՅՈՒՆՆԵՐ »	ՀՈՐԿԱՄԵՐ	ՀԱՐՑԱԶՈՐՈՒՅՆԵՐ	ԱՆՀԱՏՆԵՐ »	ՀԱՅԿԱԿԱՆ ՍՖՅՈՒՐՔ »	ՏՈՒՍՑՈՒՅՑ »	ԱՅԼ »
----------------	----------	----------------	------------	--------------------	-------------	-------

2016-07-27 00:00:00 | Նորություններ

ՀԱՐՑ խմբապետերը հյուրընկալվեցին ՀՀ սփյուռքի նախարարությունում

Հուլիսի 27-ին ՀՀ սփյուռքի նախարարի տեղակալ Սերժ Սրապիոնյանը՝ հանդիպեց ՀԱՐՑ խմբապետական 7-րդ համագումարի մասնակիցների հետ՝ Կենտրոնական վարչության ատենապետ Գառնիկ Մկրտիչյանի գլխավորությամբ:

Ս.Սրապիոնյանը ՀԱՐՑ խմբապետերին փոխանցեց ՀՀ սփյուռքի նախարար Հրանուշ Հակոբյանի ողջույնի խոսքը՝ կարևորելով ՀԱՐՑ-ի ազգանվեր դերակատարությունը սերունդների առողջ դաստիարակության գործում: «ՀԱՐՑ-ն ունի ավելի քան 100 մասնաճյուղ աշխարհի հայաշատ համայնքներում: Որդեգրելով ֆիզիկական և հոգևոր ներդաշնակության կենսակերպը՝ ՀԱՐՑ-ն տասնյակ սերունդներ է կրթել, հայ երիտասարդին սովորեցնել է լինել արի, հայրենասեր, զարգացրել է նրա մեջ պատասխանատվության և պատվի զգացումը: Շնորհակալ ենք Կենտրոնական վարչության ատենապետ Գառնիկ Մկրտիչյանին իր արդյունավետ ջանքերի և նվիրումի համար: Համոզված ենք, որ 2018թ. Հայաստանում և Սփյուռքում ՀԱՐՑ-ի 100-ամյակը կնշվի մեծ շուքով», - նշեց նախարարի տեղակալը:

Ս.Սրապիոնյանն ընդգծեց, որ նախարար Հրանուշ Հակոբյանի նախաձեռնությամբ 2014թ. օգոստոսի 3-ին ՀՀ սփյուռքի նախարարության և ՀԱՐՑ-ի միջև կնքվեց համագործակցության հուշագիր, որի շրջանակներում անցկացվում են բազմաթիվ միջոցառումներ, իրականացվում են համատեղ ծրագրեր:

Շնորհակալություն հայտնելով ջերմ ընդունելության համար՝ Գառնիկ Մկրտիչյանը նշեց. «ՀԱՐՑ խմբապետական 7-րդ համագումարի մեկնարկից առաջ մենք մեր պարտքն ենք համարել այցելել ՀՀ սփյուռքի նախարարություն: Ուրախ ենք, որ աշխարհի տարբեր ծայրերից հավաքված ՀԱՐՑ-ական երիտասարդ խմբապետերն այսօր այստեղ են: Այո՛, մենք պատրաստվում ենք մեծ շուքով նշել մեր կառույցի 100-ամյակը և համոզված ենք, որ Սփյուռքի նախարարությունը կլինի մեր կողքին: Նախարարուհի Հրանուշ Հակոբյանին փոխանցեք մեր ջերմ ողջույններն ու երախտագիտությունը»:





ՀՀ ՍՓՅՈՒՌԻ ՆԱԽԱՐԱՐՈՒԹՅԱՆ ՊԱՐԲԵՐԱԿԱՆ
«ՅՈՒՐԱՔԱՆՉՅՈՒՐ ՀԱՅ ԱՌԵՎԱԶՆ 2 ԴՈՒՄԱՐ «ՆՈՐ ՀԱՆԵՊ»-ԻՆ»

«ՈՎ ՀԱՅ ԺՈՂՈՎՈՒՐ, ՔՈ ՄԻԱԿ
ՓՐԿՈՒԹՅՈՒՆԸ ՔՈ ՀԱՎԱՔԱԿԱՆ
ՈՒԺԻ ՄԵՋ Է» Ե. ՉԱՐԵՆՑ

ՆՈՐՈՒԹՅՈՒՆՆԵՐ »	ՀՈՂՎԱԾՆԵՐ	ՀԱՐՑԱԶՐՈՒՅՑՆԵՐ	ԱՆՀԱՏՆԵՐ »	ՀԱՅԿԱԿԱՆ ՍՓՅՈՒՌ »	ՏՈՒՄՆՈՒՅՑ	ԱՅԼ »
-----------------	-----------	----------------	------------	-------------------	-----------	-------

Կենտրոնական վարչության ատենապետը 7-րդ համագումարի համար պատրաստված առաջին հուշանվերը հանձնեց Սփյուռքի նախարարությանը և նշեց, որ հանդիպումից անմիջապես հետո ողջ կազմով պիտի այցելեն Հայոց ցեղասպանության զոհերի հուշահամալիր և ծաղիկներ պիտի խոնարհեն հուշակոթողին:



Քննարկվեցին Արցախի անվտանգությանը, Արցախի անկախության ճանաչման գործում կառույցի դերակատարությանը և անելիքներին, երկրի քաղաքական կյանքի հնարավոր զարգացումներին և ՀՀ տնտեսության զարգացմանը, ՀՀ սփյուռքի նախարարության և ՀՄԸՄ միջև համագործակցության զարգացման և ամրապնդմանը վերաբերող հարցեր:

Մկառուտական երգեր

Լուսնի Լոյսով

Մկառուտ ենք բնութեան զաւակ,
Կը սիրենք բաց օդը անյագ,
Կը պտըտինք անտառ. ձորձ լեռ,
Ու կը սորվինք շատ լաւ բաներ:
Հողնէ մերին անկողին տաք,
Ու քարը բարձ՝ լուսինն վերմակ,
Աշքերուն տակ ջինջ աստղերուն,
Անուշ անուշ կ'ըլլանք մենք քուն:
Մենք կը սիրենք մարգը դալար,
Գլզլացող աղբիւրը սառ,
Հովիվին անուղ անտառներուն,
Գազաթները ցից ժայռերուն:
Ուրախութեան դադար չենք տաք,
Լուսնի լուսով կը բրնենք պար,
Մեր ծիծաղէն ու ծաբերէն,
Լեռներ ցորեր ծափ կը զարնեն:



Ուտնագնդակի (Ա) Խումբը

Հ.Մ.Ը.Մ. Ալմելո մեկուսի շրջանի սրահի ուտնագնդակի (Ա) խումբը, իր պաշտօնական մասնակցութիւնը բերաւ Հոլանտական Ֆութպոլի Ֆեդերացիայ ի (K.N.V.B.) ԹՈՒԵՆԹԱ շրջանի 2016-17 Թ. (Գ կարգի) բաժակի եւ ախոյեան մրցաշարին:

Խումբը կ' բաղկանայ 8 մարզիկներէ ի ղեկավարութեամբ Եդր. Հայաստան (Հայո) Սարգիսեան, Եդր. Բոպիկ Յակոբեան (օգնական) եւ Եդր. Ասլան Ասլեան, Եդր. Արման Խաջիկեան (իբր խմբի վարիչներ):

Մրցաշարը կ' աւարտուի Մայիս 2017 թ.ին եւ մինչ այսօր մասնակցած է 3 խաղերու (երկու շահ եւ մէկ պարտութիւն) նկատի առնելով թէ այս Գ-կարգի մրցաշարին մէջ միութեանս խումբը միակ հայկական ուտնագնդակի խումբն է:

Խաղերու արդիւնքները հետեւեալն է:

Ա. I.S.P.S. Ալմելո-ի մարզադաշտին մէջ. (F.C.Almylo vs Homenetmen Almelo) «4 -5 ».

Բ. Sluiskade Ալմելո-ի մարզադաշտին մէջ. (E.B.Z.V.85. vs Homenetmen Almelo) «3-4».

Գ. Bentlo մարզադաշտին մէջ. (Bento vs Homenetmen Almelo) «7-4».



SEP. 9	 Home...Almelo 1 Almelo FC 5 vrijdag, 21:00 uur teammanager S 
SEP. 14	 Almelo FC 10 Home...lmelo 1 woensdag, 19:00 uur teamman... 
SEP. 23	 Homen...Almelo 1 EBZV '85 1 vrijdag, 21:00 uur teammanager S 
SEP. 30	 Bentelo 1 Homene...Almelo 1 vrijdag, 21:45 uur teammanager P 
OKT. 7	 Homenetmen Almelo 1 EZV 3 vrijdag, 21:00 uur teammanager S 
OKT. 21	 Tegenpartij De 1 Hom...elo 1 vrijdag, 21:00 uur teammanager H 
NOV. 4	 Ho...elo 1 De Lutte /Plexat 1 vrijdag, 21:00 uur teammanager S 
NOV. 11	 TVO 1 Homenetmen Almelo 1 vrijdag, 21:00 uur teammanager N 
NOV. 18	 Homen...Almelo 1 EBZV '85 2 vrijdag, 21:00 uur teammanager S 
DEC. 8	 DZVV/Fabri.nl 2 Hom...elo 1 donderdag, 21:00 uur teamma... 
JAN. 13	 Home...lmelo 1 Almelo FC 10 vrijdag, 21:00 uur teammanager S 
JAN. 20	 EBZV '85 1 Homen...Almelo 1 vrijdag, 20:00 uur teammanager V 
JAN. 27	 Homene...Almelo 1 Bentelo 1 vrijdag, 21:00 uur teammanager S 
FEB. 10	 EZV 3 Homenetmen Almelo 1 vrijdag, 20:15 uur teammanager D 

Համա-Հ.Մ.Ը.Մ.ական Խմբապետական 7րդ Համագումարի բացում

ՀՄԸՄ-ի Կեդրոնական Վարչութեան նախաձեռնութեամբ 27ին 31 Յուլիս 2016 տեղի կ'ունենայ Համա-Հ.Մ.Ը.Մ.ական Խմբապետական 7րդ Համագումարը Երեւանի մէջ:

Համագումարին, որու բացումը տեղի ունեցաւ 27Յուլիսին, կը մասնակցին 18 երկիրներէ 28 բարձրաստիճան խմբապետներ, ինչպէս նաեւ Հայ Մշակութային «Արարատ» Կազմակերպութեան խմբապետը: Համագումարին կը մասնակցին նաեւ երկու օժանդակ խմբապետներ:

Համագումարին բացումը տեղի ունեցաւ Զորեքշաբթի, 27 Յուլիս 2016ի յետմիջօրէի ժամը 4ին, «Կովկաս» հիւրանոցէն ներս: Ներկայ էին ՀՄԸՄ-ի Կեդրոնական Վարչութեան անդամ եղբայրներ Գառնիկ Մկրտիչեան, Վաչէ Նաճարեան, Բագրատ Եսայեան, Օշին Փիրումեան եւ Անդո Պահարեան: Իր սրտի խօսքին մէջ եղբ. Գառնիկ Մկրտիչեան հրաւիրեց ժողովը մէկ վայրկեան յոտնկայս լրութեամբ յարգել յիշատակը առ յաւէտ բաժնուած ՀՄԸՄ-ական քոյրերուն եւ եղբայրներուն, ինչպէս նաեւ Լիզպոնի նահատակներուն յիշատակը, որոնց նահատակութեան օրը զուգադիպած էր խմբապետական համագումարի բացման: Ան նաեւ շեշտեց համագումարին կարեւորութիւնը, նշելով որ միութիւնը ակնկալիքներ ունի սկաուտական բարձրաստիճան այս համագումարէն:



Ապա, Կեդրոնական Վարչութեան անդամ եղբ. Վաչէ Նաճարեան մասնակիցներուն ներկայացուց համագումարին ծրագիրն ու աշխատանքներու ընթացքը, նշելով որ օրակարգերը պիտի քննարկեն Միութիւնը յուզող զանազան հարցեր եւ ապագայի պատկերացումներ: ՀՄԸՄ-ՀԱՄԿ-ի Վարչութեան կողմէ բարի գալուստ մաղթեց եղբ. Պերճ Թիւֆէնքճեան, յաջողութիւն մաղթելով համագումարի աշխատանքներուն:

Համագումարը հինգ օրերու ընթացքին վերատեսութեան պիտի ենթարկէ սկաուտական բոլոր կարգերու գիտելիքները եւ անոնց գործադրութեան եղանակը: Նաեւ պիտի մշակէ դաստիարակչական ծրագիրներ, պիտի զբաղի շրջաններու խմբապետներու վերաորակաւորման ծրագիրներով եւ պիտի պատրաստէ Համա-ՀՄԸՄական 11րդ բանակումի նախաձեռնութիւնը, զորս ծրագրուած է իրագործել Միութեան 100ամեակին՝ 2018ին:

Համագումարը յատուկ օրակարգով պիտի արձարծէ նաեւ ՀՄԸՄ-ի 100-ամեակի ձեռնարկներուն առաջարկները, ինչպէս նաեւ պիտի անդրադառնայ այժմեական հրատապ այլ հարցերու:

ԱՅՅԵԼՈՒԹԻՒՆՆԵՐ

Նոյն օրը առաւօտեան, համագումարի մասնակից քոյրերն ու եղբայրները այցելեցին Հայաստանի Հանրապետութեան Սփիւռքի Նախարարութիւն, ուր իրենց դիմաւորեց նախարարի Փոխ տեղակալ պրն. Սերժ Սրապիոնեան: Փոխ տեղակալը իր ողջոյնի խօսքին մէջ նշեց, որ «խմբապետները իրենց տունը այցելած են այսօր եւ պատիւ է մեզ համար ձեզ հոս դիմաւորելը»:



Սրապիոնեան ընդգծեց Հ.Մ.Ը.Մ.-ի կարեւորութիւնը եւ ըսաւ, թէ ան հնոց միութիւնն է, որ կը դաստիարակէ հայեր: Ապա ան անդրադարձաւ Հ.Մ.Ը.Մ.-ի Կեդրոնական Վարչութեան եւ Սփիւռքի նախարարութեան միջեւ կնքուած յուշագիրին, որ աւելի կ'ամրապնդէ փոխադարձ գործակցութիւնը:

ՀՄԸՄ-ի Կեդրոնական Վարչութեան ատենապետ եղբ. Գառնիկ Մկրտիչեան նշեց, որ «ՀՄԸՄ-ը Սփիւռքի մէկ մասնիկն է եւ երբ տակաւին ազատ ու անկախ Հայաստան չկար, ՀՄԸՄ Սփիւռքի մէջ կը խորհրդանշէր երիտասարդութեան եւ մարմնակրթութեան նախարարութիւնը»: Ապա ան համագումարի յուշանուէրը փոխանցեց նախարարի տեղակալին:

Ապա, խմբապետական համագումարի մասնակիցները, ՀՄԸՄի Կեդրոնական Վարչութեան անդամներու ընկերակցութեամբ ուղղուեցան Ծիծեռնակաբերդ, յարգանքի տուրք մատուցելու Հայոց Յեղասպանութեան զոհերու յիշատակին: Համագումարին անունով Կատարուեցաւ Տէրունական աղօթք, ապա մասնակիցներուն կողմէ հնչեց «Յառաջ նահատակ» քայլերգը: Ծաղկեպսակ զետեղուեցաւ, նաեւ մեխակներ իւրաքանչիւր մասնակիցի կողմէ:

Homenetmen-ՀՄԸՄ@HomenetmenOffice



Սկաուտական Գիտելիքներ

Սկաուտական Ոգի.

Շատ դիրին է պատանիի մը համար սկաուտ արձանագրուիլ, բայց այդքան ալ դիրին չէ սկաուտ դառնալ: Լաւ սկաուտ դառնալու համար պէտք է ունենալ ձգտում եւ վճռակամութիւն:

Այսօր դուք հայ տղաք էք, վաղը պիտի դառնաք հայ մարդիկ եւ դուք ձեր կեանքին նպատակներէն մէկը պէտք է դարձնէք նաեւ ձեր բնակած երկրին տիպար քաղաքացիներ դառնալ, առողջ նկարագրով, մարմնապէս ուժեղ եւ առողջ , հոգեպէս արթուն:

Սկաուտութիւնը կ'օգնէ պատանիին, իր մէջ զարգացնելով վերի տուեալները՝ զայն վերածելով տիպար քաղաքացիի: Միեւնոյն ատեն սկաուտութիւնը պատանիին կը հրամցնէ ընկերային կեանք եւ հաճոյք:

Այո, հաճելի է սկաուտ դառնալ, շատ աւելի հաճելի են արշաւներն ու բանակումները: Շատ հաճելի է նստիլ խարոյկին շուրջ ու մտածել , թէ քեզի համար ի՞նչ հրաշալիքներ պահուած են:

Բայց սկաուտութիւնը միայն արշաւներ եւ բանակումներ չէ, սկաուտութիւնը միայն տարագ հագնիլ եւ տողանցք ընել չէ, սկաուտութիւնը աւելի բարձր նպատակ կը հետապնդէ, ան կեանքի ձեւ մըն է , ան պատանին կը պատրաստէ պատասխանատուութիւն ստանձնելու , գիտակից մարդ դառնալու եւ միշտ ուրիշին օգնելու:

Սկաուտին խոստումը, օրէնքը եւ դաւանանքը պէտք է իրեն համար դառնան ուղեցոյց: Անոնք կը պարունակեն ինչ որ կը պահանջուի սկաուտէն, անոնք կը նշեն սկաուտին պարտականութիւնները:

Երբ անձ մը խոստում պիտի տայ որեւէ միութեան եւ կամ կազմակերպութեան, նախ պէտք է գիտնայ, հասկնայ եւ ըմբռնէ այդ խոստումին իմաստը, եւ ապա որոշէ անդամակցիլ ու ծառայել անոր նպատակին ու սկզբունքներուն, ենթարկուելով անոր օրէնքներուն:

Իբրեւ արիւնք կամ արեւուշներ պայման է գիտնալ սկաուտական օրէնքներու առանցքը նկատուող սկաուտական խոստումը եւ դաւանանքը, հասկնալ անոր բոլոր յօդուածները, գործադրել զանոնք եւ յիշել, որ խոստումը տուած ենք հնազանդելու համար սկաուտական դաւանանքին:

Խոստումի եւ դաւանանքի ուսումնասիրութենէն կ'անդրադառնանք հիմնական երկու իրականութեան:

Ա» Խոստումի եւ դաւանանքի գործադրութիւնը պարտք մըն է քեզի համար, որուն համար դուն անձնապէս պատասխանատու ես, առանց ուրիշի միջամտութեան, հակառակ որ տարբեր մարգերու մէջ, օրէնքներու կ'իրարկումը տեղի կ'ունենայ իրաւարարի մը կամ պաշտօնեայի մը հսկողութեամբ: Օրէնքի եւ կարգապահութեան հանդէպ ունեցած բժախնդրութեանդ վրայ վստահած, սկաուտութիւնը քեզմէ կ'ակնկալէ այս բոլորին գործադրութիւնը:

Բ» Սկաուտական խոստումը կամ դաւանանքը բարի սովորութիւններու եւ առաջադրանքներու շարք մըն է, առանց արգելքի եւ ժխտումի բնոյթ ունենալու, ինչ որ յստակօրէն կը պատկերացնէ տիպար արիի մը եւ կամ արեւուշի մը յատկանիշները:



Արի - Արենուշի Խոստումը

Ա. Կը խոստանամ ըլլալ հաւատարիմ Աստուծոյ եւ ծառայել Ազգիս ու Հայրենիքիս:

Բ. Միշտ օգնել ուրիշին եւ գործել իբրեւ պարտականութեան գիտակից, Արի եւ վեհանձն մարդ:

Գ. Հնազանդիլ Հ.Մ.Ը.Մ.ի Արիներու - Արենուշներու դաւանանքին:

Սկաւաութիւնը կրօնական շարժում չէ, սակայն Աստուծոյ հանդէպ հաւատարմութիւնը կարեւոր արժանիք մըն է, որ կ'ենթադրէ չշեղիլ բարի ճամբէն, խորունկ սէր ունենալ մարդկութեան հանդէպ եւ հետեւիլ Աստուածային պատգամին, որ իւրաքանչիւրին ցոյց կու տայ մարդկայնօրէն ապրելու լաւագոյն ուղին, ինչ որ կ'իրագործուի հաւատքով եւ կրօնական պարտականութիւններու կիրարկումով:

Հայրենիքի ծառայութիւնը քեզ կ'առաջնորդէ հայրենիքդ սիրելու եւ անոր համար ի հարկին զոհուելու, նման ՀԱՅ Ժողովուրդի շքեղ պատմութիւնը կերտած հերոսներուն, որոնք գործած եւ նահատակուած են հերոսաբար:

Ուրիշներու օգնութիւնը եւ պարտականութեան գիտակցութիւնը քեզ կը վերածէ այն տիպար մարդուն, որուն արժանիքը ուրիշները սիրելն է, ինչպէս Պէյտըն Փաուրլ կ'ըսէ. (*կը հաւատամ որ կեանքի մէջ երջանկութիւնը չի կայանար հարստութեան եւ յաջողութեան մէջ, այլ՝ իսկական երջանկութիւնը մարդ կը գտնէ ուրիշներուն օգտակար դառնալու մէջ*): Նկատի ունեցիր որ կան բարիքներ գործելու եւ օգտակար դառնալու բազմաթիւ միջոցներ, կը պատահի նաեւ յաճախ, որ ոմանք մերժեն օգտակարութիւնդ, մի յուսահատիր, կը բաւէ որ դուն փորձ մը կատարես:

(յաջորդ թիւին «Հայ Սկաւաւտին Դաւանանքը»)

(Հ.Մ.Ը.Մ. Արի-Արենուշ - Ա. Կարգ)



Հ.Մ.Ը.Մ. ՖԲԱՆՍ 32-րդ ընդհանուր բանակում

Հ.Մ.Ը.Մ. Ալմելո մեկուսի շրջանի 9 սկաուտները , քոյր Փաթիլ Տատուրեանի ղեկավարութեամբ մասնակցեցան 6-13 Յուլիս 2016 թ. Հ.Մ.Ը.Մ. Ֆրանսի կազմակերպած ճամբարի ամարային բանակումին:

5 Յուլիս 2016թ.ին միութեանս մասնակցող սկաուտները ժամը 21:00ին համախմբուած էին Հոլանտայի (ԲՕԹԵՐՏԱՄ) քաղաքի ավտոբուսերու կէդրոնին մէջ ուր Եդր. Ճագ Մատաղուտողեան (միութեանս սկաուտական խմբապետ) եւ Եդր. Մեւան Կորկիսեան (Ազելա) այցելեցին նրանց , ուր փոխանցելով նրանց պատուերները եւ պարտականութիւնները բարի ճանապարհի մաղթեցին մասնակցողներուն:



6 Յուլիս 2016թ.ին առաւօտ կանուխ նրանք ժամանել էին Ֆրանսի Փարիզ մայրաքաղաքը ուր ճանապարհային երկրորդ հանգրուանն սկսուեցաւ դէպի ՀԱՄԲԱՐԻ բանակավայրը: Բանակավայրի ընդհանուր խմբապետ Եդր. Սիփան գորդեանի , ֆրանսի շրջանի սկաուտներու եւ Հ.Մ.Ը.Մ. Գերմանիոյ մասնակիցին հետ սկսուեցաւ դրօշակի սիւներ սարքելու, վրաններ լարելու եւ սկաուտական սարքաւորման աշխատանքները:



7 օրուայ Բանակումին յայտագիրը լի էր սկաուտական եւ մարզական ձեռնարկներով, հոն ներկայ էր նաեւ գիտելիքներու եւ աշխատանքի ոճի փոխադարձ համագործակցութեան ոգին Ֆրանսի, Ալմելոի եւ Գերմանիոյ տարբեր շրջաններէ մասնակցող երիտասարդներու միջեւ: Ըստ Հ.Մ.Ը.Մ. ական սովորական բանակումներուն հոգեւորականներու ներկայութիւնը միշտ անհրաժեշտներէ մէկն եղած է. Հոն Տէր Նորման Զաքարեան այցելելով բանակավայրը հանդիպում ունեցաւ սկաուտներուն հետ ուր նա փոխանցեց իր հոգեւորական քարոզչութիւնը բոլոր ներկաներուն:



10 Յուլիս 2016 թ.ին յատկացուած էր ընտանեկան այցելութեան օր . Բանակավայրի մասնակցող սկաուտներու ընտանիքները այցելեցին իրենց զաւակներուն ուր պատրաստուած էր կեր ու խում , սկաուտները ցուցադրեցին նրանց ընտանիքներուն իրենց կողմէ պատրաստուած սկաուտական աշխատանքները: Հ.Մ.Ը.Մ.Ը. Ալմելօ մեկուսի շրջանի ատենապետ, սկաուտական Խմբապետ եւ Ագելան իրենց ընտանիքներու հետ եւս ներկայ էին այդ օրը , միութեանս քոյրերը ցուցադրեցին նաեւ Հոլանտական ուտելիքներու նմուշներ (այդ օրը Բանակավայրին մէջ հոլանտա հայ մշակութիւնը ներկայ էր): Օրը աւարտեց խարուեկահանդէսով , մեր սկաուտներու մասնակցութիւնը յատուկ էր :



Բանակումի հետաքրքիր ձեռնարկներէն մէկն է (Բալլի) սկաուտական արշաւ. Չի կարելի որեւէ սկաուտական բանակում աւարտէ առանց այս արշաւին . հոն սկաուտներու ստացուած տեսլական գիտելիքները թարգմանուեցաւ գործնականի:



Սկիզբ ունեցող ձեռնարկները ,միշտ պէտք է աւարտուին. Ժամանակն էր Բանակումէն հեռանալ եւ ետ Հոլանտա վերադառնալ, գեղեցիկ յիշատակներ, դժուարութիւններ, աշխատանքներ, համագործակցութիւն եւ փոխադարձ յուշանուէրներ փոխանցելով , քոյր- եղբայրական սերմերը ցանցելով .վստահ պիտի ըլլան այդ անմահ յարաբերութիւնները պիտի շարունակուի Հ.Մ.Ը.Մ. ի մէկ ընտանիքի անդամներուն մէջ:




Հ.Մ.Ը.Մ. Ալմելո մեկուսի շրջանի հիմնադրութեան 20 ամեակի առթիւ ընտանեկան պարահանդէս:

Ուրբաթ ,Յունիս 1, 2016թ.ին Ալմելոի Ս.Գրիգոր Լուսաւորիչ Եկեղեցւոյ Գալուստ Կուլպենկեան սրահին մէջ, տեղի ունեցաւ. (Հ.Մ.Ը.Մ. Ալմելո մեկուսի շրջանի հիմնադրութեան 20 ամեակի առթիւ) ընտանեկան պարահանդէս:

Օրուայ ձեռնարկին ներկայ էին Ալմելոի Ս.Գրիգոր Լուսաւորիչ Եկեղեցւոյ ծխական խորհուրդի վարչութեան , Արամ Մանուկեան կոմիտէի, Հոլանտայի Հ.Բ.Ը.Մ. ան , միութեանս քոյրեր եղբայրներ եւ հայրենակիցներ:



Օրուայ յայտագիրը սկսուեցաւ Յառաջ նահատակով որ ետք Քոյր Փաթիլ Տատուրեան արտասանելով (Մեծի Տանն Կիլիկիոյ Արամ Ա. Կաթողիկոս.)ի վկայութիւնները Հ.Մ.Ը.Մ. ի մասին բեմ հրաւիրեց միութեանս ատենապետ Եղբ. Սարգիս Տէր Ղազարեանին վարչութեան խօսքը փոխանցելու ներկաներուն:



Ատենապետը շնորհաւորանքի խօսքերը (հիմնադրութեան 20 ամեակի առթիւ) ուղղելէ ետք ներկաներուն , նա իր շնորհակալութեան խօսքերը ուղղեց Հոլանտայի մէջ գործօն հայ կազմակերպութիւններու եւ բարերարներուն, շարունակելով (20 տարի



առաջ եւ այլ ճիշտկրիտ 23 Յունիս 1996 թ.ին . Հոլանդիա ներս գաղթած խումբ մը երիտասարդ – երիտասարդուհիներ, իրենց երկիրներէն կրած Հ.Մ.Ը.Մ.ական գաղափարախօսութեան սերմը, մշակեցին Ալմելո քաղաքին մէջ . ուր այսօր կը շօշափենք արդիւնքները իրենց աշխատանքներուն).20 տարուայ երեկ եւ այսօր



քոյր եղբայրներու շարունակ աշխատանքները եւս մաս կազմեցին իր խօսքին մէջ ուր նա արտասանեց (Ամբողջ 20 տարիներուն ընթացքին Հ.Մ.Ը.Մ. Ալմելո-ի նախորդ վարչութեան կազմերը , յանձնախումբերը եւ ապա այսօրուայ միութեանս գործօն յանձնախումբերը ոչ միայն որեւէ չանէք չի խնայեցին միութեանս (տիպար քաղաքացի ապա մտային ու հոգեկան բարձր արժանիքի տէր հայ) ծրագիրը



իրականացնելու , այլ անոր մէջ սերմանեցին ազգասիրութիւնն ու հայրենասիրութիւնը . գերադասելով հայ լեզուն , կրօնը ու մշակոյթը). նա պարզեց Հ.Մ.Ը.Մ. Ալմելո ի դիրքը Ալմելո քաղաքի եւ ընդհանրապէս Հոլանտայի մասին արտասանելով (Շնորհիւ միութեանս շուրջ հաւաքուած որակով եւ քանակով հարուստ գաղափարակից հաւատարիմներուն . վերածեցին Հ.Մ.Ը.Մ. Ալմելո-ն . Հոլանդիայիահայ գործօն հիմնական կազմակերպութիւններէ մէկը : Ուր (մարմանակրթական) ֆիզիկական աշխատանքներու կողքին . Ակնայայտնեցին միութեանս ներկայութիւնը ազգային ասպարէզի մէջ գտնուող իրադարձութիւններուն . ընդհանրապէս սփիւռքի ապա յատկապէս Հոլանդիայի մէջ) . փակեց իր խօսքը (Ի վերջոյ վերստին կը հաստատենք միութեանս վարչութեան խոստումը , հաւատարիմ մնալու միութեան հիմնադիրներու եւ ի մասնաւորապէս ընդհանուր Հ.Մ.Ը.Մ.ի ընտանիքի տեսլականին , կտակին , արդարօրէն հաւաքաբար եւ միասնաբար բարձրանալով եւ բարձրացնելով Հ.Մ.Ը.Մ.-ի անունը):



Ատենապետին խօսքը աւարտելէ ետք քոյր Փաթիլ Տատուրեանը արտասանել է ետք Տոքթ. Բարգէն Փափագեանին վկայութիւնը Հ.Մ.Ը.Մ. ի մասին. Հրաւիրեց ներկաներուն դիտելու սկաուտներու կողմէ պատրաստուած օրուայ կապակցութեամբ սփիւռքի նախարարութեան , Հոլանտայէն ներս եւ դուրս Հ.Մ.Ը.Մ. ական քոյր եղբայրներու շնորհաւորանքի տեսահոլովակին:



Յայտագրին շնորհաւորանքի խօսքեր արտասանուեցաւ. Արամ Մանուկեան և Հ.Մ.Ը.Մ. Ալքմառ Ատենապետ Եդր. Մասիս աբրահամեանի կողմէ .ուր ետք հաճելի խրախճանքով ժամանեցին ներկաները:



Սկաուտական 2016-17 նոր տարեշրջանի վերամուտ

Կիրակի 13 Սեպտեմբեր 2016թ. ժամը 13:00ին Հ.Մ.Ը.Մ. Ալմելո մեկուսի շրջանի սրահին մէջ տեղի ունեցաւ միութեանս սկաուտական 2016-17 նոր տարեշրջանի բացման վերամուտի ելոյթը:

Պայմանաւորուած ժամէն առաջ ներկայ էին բոլոր աստիճանաւորներ, (երեց պարմանուհի)ներ, (Արի - Արենուշ)ներ , (Գայլիկ - Արծուիկ)ներ , Մօկլիններ իրենց շքեղ տարազներով եւ ծնողներ:



Ամարային երկամսուայ արձակուրդէն ետք օրուայ յայտագրի բացումը տեղի ունեցաւ (աւելի քան 100 տարազաւորներու ուշադրութեամբ) Հ.Հանրապետութեան եւ Հ.Մ.Ը.Մ.ի պաշտօնական դրօշակներու արարողութեամբ: Օրուայ յայտագրին Եղբ. Ճագ Մատաղուտողեան (միութեանս սկաուտական խմբապետ) փոխանցեց ներկաներուն Հ.Մ.Ը.Մ. ական ըլլալու արժէքը (ընդհանրապէս սփիւռքի եւ մասնաւորապէս Հոլանտայի մէջ) ազգային կեանքին մէջ: Միութեանս սկաուտական Ազգեւան (Եղբ. Սեւան կորկիսեան) եւս իր պատգամը փոխանցեց ներկաներուն յայտնելով . Հ.Մ.Ը.Մ. ի սկաուտութիւնը մեզի համար սոսկ զբաղումի վայր մ' չէ,այլ իր գաղափարախօսութեան (Բարձրացիր – Բարձրացուր) սկզբունքով եղբայրասիրութեան ոգին կ' փոխանցէ մեր մէջը:



Պաշտօնական արարողութիւններէ ետք տեղի ունեցաւ նախապատրաստ-



ական նոր տարեշրջանի ծրագրի նախատեսուած խումբերու եւ պաշտօններու բաշխումը :

Վա՛յ վա՛յ կղզիէն . Լուրեր

Մեր կղզու հոգեբանական գիտնականներու օրինաւոր եռամսուայ վերջին համագումարի ժողովի յայտագիրն էր (Ուսումնասիրել եւ քննարկել մեր կղզու հայաբնակ գաղութի , 2017 թ.ի Ապրիլեան ցեղասպանութեան կապակցութեամբ նախապատրաստական աշխատանքներու ծրագրի կարելիութիւնները). Նկատի առնելով այսպիսի Ապրիլեան ձեռնարկներուն պատրաստութիւնները 5է 6 ամիսներ տեւելու է : Ձեռնարկին նախապատրաստական ցանկութիւնը սկսուեցաւ Մայիս 2016թ.էն:

Մեր կղզու հետաքրքրական հարցանշանն այն է թէ, հարկաւոր չէր 11 ամսուայ գումարուած ժողովները մէկ ամսուայ ձեռնարկ պատրաստելու փոխառեն. մէկ ամիս ժողովներ գումարել 11 ամսուայ միասին աշխատանքներու համագործակցելու համար....?????):

**Հ.Մ.Ը.Մ. Ալմելո Մեկուսի Շրջանի 2016 թ.
Երրորդ եռամսեայ իրականացուած իրադարձութիւնները
(Յուլիս – Օգոստոս- Սեպտեմբեր)**



⇒ 1 Յուլիս. Միութենական (Ալմելո).

Ալմելոի Ս.Գրիգոր Լուսաւորիչ Եկեղեցւոյ Գալուստ Կուլպենկեան սրահին մէջ, տեղի ունեցաւ. (Հ.Մ.Ը.Մ. Ալմելո մեկուսի շրջանի հիմնադրութեան 20 ամեակի առթիւ) ընտանեկան պարահանդէս:

⇒ 6-13 Յուլիս. Սկաուտական (Ֆրանսիա).

Հ.Մ.Ը.Մ. Ալմելո մեկուսի շրջանի 9 սկաուտները , քոյր Փաթիլ Տատուրեանի ղեկավարութեամբ մասնակցեցան 6-13 Յուլիս 2016 թ. Հ.Մ.Ը.Մ. Ֆրանսիա ի կազմակերպած ճամբարի ամարային բանակումին:

⇒ 21 Յուլիս. Սկաուտական (Հայաստան).

Հ.Մ.Ը.Մ. Ալմելո մեկուսի շրջանի քոյր Անիթա Կորկիսեան (Սկաուտական խմբապետուհի) եւ քոյր Փաթիլ Տատուրեան (Սկաուտական փոխ-խմբապետուհի եւ Ալմելո ի Ս.Գրիգոր Լուսաւորիչ եկեղեցւոյ Ս.Մեսրոպ Մաշտոց Կիրակնօրեայ դպրոցի ուսուցչուհի) . Երեւան քաղաքին մէջ այցելեցին Հ.Հ.Սփիւրքի նախարարութիւն, ուր հանդիպեցան Հ.Հ.Սփիւրքի Նախարար Հրանուշ Յակոբեանին հետ:

⇒ 27-31 Յուլիս. Սկաուտական (Հայաստան).

Հ.Մ.Ը.Մ. Ալմելո մեկուսի շրջանի քոյր Անիթա Կորկիսեան (Սկաուտական խմբապետուհի) եւ քոյր Փաթիլ Տատուրեան (Սկաուտական փոխ-խմբապետուհի). մասնակցեցան (Երեւանի մէջ) Հ.Մ.Ը.Մ.-ի Կեդրոնական Վարչութեան նախաձեռնութեամբ տեղի ունեցած Համա-Հ.Մ.Ը.Մ.ական Խմբապետական 7րդ Համագումարին:

⇒ 27 Օգոստոս . Միութենական (Ալմելո).

Հ.Մ.Ը.Մ. Ալմելո ի Ընկերային յանձնախումբը կազմակերպեց ՊԻՆԿՕ ի ձեռնարկ:

⇒ 9 Սեպտեմբեր. Մարզական (Ալմելո).

Հ.Մ.Ը.Մ. Ալմելո մեկուսի շրջանի սրահի ոտնագնդակի (Ա) խումբը , իր պաշտօնական մասնակցութիւնը բերաւ Հոլանտական Ֆութպոլի Ֆեդերացիայ ի (K.N.V.B.) ԹՈՒԵՆԹԱ շրջանի 2016-17 Թ. (Գ կարգի) բաժակի մրցաշարին (1Almelo FC 5) դէմ . ուր պարտութեան ենթարկուեցաւ:

14 Սեպտեմբեր. Մարզական (Ալմելո).

(ԹՈՒԵՆԹԱ շրջանի 2016-17 Թ. (Գ կարգի) ախոյեան մրցաշար). I.S.P.S. Ալմելո-ի մարզադաշտին մէջ. (F.C.Almylo vs Homenetmen Almelo) «4 -5 »:.

⇒ 23 Սեպտեմբեր. Մարզական (Ալմելո).
(ԹՈՒԵՆԹԱ շրջանի 2016-17 Թ. (Գ կարգի) ախոյեան մրցաշար). Sluiskade
Ալմելո-ի մարզադաշտին մէջ. (E.B.Z.V.85. vs Homenetmen Almelo) «3-4».

⇒ 30 Սեպտեմբեր. Մարզական (Ալմելո).
(ԹՈՒԵՆԹԱ շրջանի 2016-17 Թ. (Գ կարգի) ախոյեան մրցաշար). Bentlo
մարզադաշտին մէջ. (Bento vs Homenetmen Almelo) «7-4».

ԲՈՎԱՆԴԱԿՈՒԹԻՒՆ

- «Մարզիկ», Թէ՞... Մարտիկ.
- Պատգամաւորական 11րդ Ընդհանուր ժողովին որդեգրուած կանոնագրային բարեփոփոխումներ.
 - Կ'աշխատինք «Բարձրացի՛ր, Բարձրացո՛ւր» Աներեր Նշանաբանով.
 - ՇԱԻԱՐՇ ՔՐԻՍԵԱՆ (Նահատակութեան 101 Ամեակ).
 - ՍԱՐՍԼԱՍԱՐԶ.
 - Պասրայի Հայ Երկսեռ Երիտասարդաց Միութեան Հիմնադրութեան 85 Ամեակի առթիւ.
 - ԿԱՄԱԻՈՐ.
 - Հաղորդագրութիւն.
 - Հանդիպում Հ.Հ.Սփիւրքի նախարար Հրանուշ Յակոբեանին հետ.
 - ՀՍԸՄ խմբապետերը հյուրընկալվեցին ՀՀ սփյուռքի նախարարությունում.
 - Սկուտական Երգեր (Լուսնի լոյսով).
 - Ոսնագնդակի (Ս) Խումբը.
 - Համա-Հ.Ս.Ը.Ս.ական Խմբապետական 7րդ Համագումարի բացում.
 - Սկաուտական Գիտելիքներ.
 - Հ.Ս.Ը.Ս. ՖՐԱՆՍ 32-րդ ընդհանուր բանակում.
 - Հ.Ս.Ը.Ս. Ալմելո մեկուսի շրջանի հիմնադրութեան 20 ամեակի առթիւ ընտանեկան պարահանդէս.
 - Սկաուտական 2016-17 նոր տարեշրջանի վերամուտ..
 - Վա՛յ վա՛յ կղզիէն . Լուրեր .
 - Հ.Ս.Ը.Ս. Ալմելո Մեկուսի Շրջանի 2016 թ. Երրորդ եռամսեայ իրականացուած իրադարձութիւնները (Յուլիս – Օգոստոս- Սեպտեմբեր).
 - ԲՈՎԱՆԴԱԿՈՒԹԻՒՆ.

Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Batil Bozizyan (Homenetmen Almelo)

Առաջարկներու համար կը խնդրուի կայա հաստատել homenetmenalmelo@yahoo.nl **հետ:**